

T-16

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 156. sjednici, održanoj dana 03.06.2022. godine, d o n o s i

**ZAKLJUČAK**  
**o prihvatanju Informacije o koncesijama**  
**na području Zeničko-dobojskog kantona za 2021. godinu**

**I.**

Prihvata se Informacija o koncesijama na području Zeničko-dobojskog kantona za 2021. godinu, Ministarstva za privredu/gospodarstvo, koja čini sastavni dio ovog zaključka.

**II.**

Informacija iz tačke I. ovog zaključka upućuje se u dalju skupštinsku proceduru.

**III.**

Zaključak stupa na snagu danom donošenja.

Broj: 02- 11-8985 /22  
Datum, 03.06.2022. godine  
Zenica

DOSTAVLJENO:

1x Ministarstvo za privredu,  
 Stručna služba Skupštine,  
1x a/a.



**PREMIJER**  
**po ovlaštenju**

*Spanija Kozlić*



*Handwritten signature in blue ink.*

**INFORMACIJA O KONCESIJAMA  
NA PODRUČJU ZENIČKO-DOBOJSKOG KANTONA  
ZA 2021. GODINU**

Zenica, maj 2022. godine

*Adnan  
Šehić  
Kariž  
Ly*

**INFORMACIJA O KONCESIJAMA  
NA PODRUČJU ZENIČKO-DOBOJSKOG KANTONA  
ZA 2021. GODINU**

**UVOD**

**1. DODIJELJENE KONCESIJE DO 2021. GODINE**

1.1. Dodijeljene koncesije na istraživanje i eksploataciju čvrstih mineralnih sirovina do 31.12.2021. godine

**2. DODJELA KONCESIJA U 2021. GODINI**

2.1. Dodijeljene koncesije na istraživanje i eksploataciju čvrstih mineralnih sirovina u 2021. godini

2.2. Dodjela koncesija u postupku

2.3. Raskidi koncesionih ugovora u 2021. godini

**3. KONCESIJE NAKNADE U 2021. GODINI**

3.1. Jednokratne koncesione naknade u 2021. godini

3.2. Kontinuirane koncesione naknade u 2021. godini

**4. PRIHODI IZ KONCESIONIH NAKNADA U 2021. GODINI**

4.1. Prihodi od jednokratne koncesione naknade u 2021. godini

4.2. Prihodi od kontinuirane koncesione naknade u 2021. godini

4.3. Ukupni prihodi od koncesione naknade u 2021. godini

4.4. Alokacija koncesionih naknada po općinama Kantona u 2021. godini

**5. RASHODI IZ KONCESIONIH NAKNADA U 2021. GODINI**

5.1. Program utroška budžetskih sredstava od koncesija u 2021. godini

5.2. Realizovana sredstva shodno Programu utroška budžetskih sredstava od koncesija u 2021. godini

**6. ZAKLJUČAK**



## UVOD

U skladu sa Programom rada Vlade Zeničko-dobojskog kantona za 2022. godinu i Programom rada Skupštine Zeničko-dobojskog kantona za 2022. godinu, Ministarstvo za privredu/gospodarstvo (u daljem tekstu: Ministarstvo) je sačinilo Informaciju o koncesijama na području Zeničko-dobojskog kantona za 2021. godinu.

Oblast koncesija uređena je zakonima o koncesijama:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06),
- Zakon o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03).

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
  - energetskih mineralnih sirovina (ugalj)
  - metalčnih i nemetalčnih mineralnih sirovina iz primarnih i sekundarnih ležišta,
  - svih vrsta soli i solnih voda,
  - ljekovitih, termalnih i mineralnih voda i izvorišta prirodnih voda za piće,
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplinom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva za privredu/gospodarstvo su slijedeći predmeti koncesija:

- energetske mineralne sirovine (ugalj),
- metalčne i nemetalčne mineralne sirovine iz primarnih i sekundarnih ležišta,
- hoteli i ostali turistički objekti.

Ministarstvo do sada nije imalo zahtjeva i nije dodijelilo ni jednu koncesiju za hotele i ostale turističke objekte.

Obavljanje djelatnosti istraživanja i eksploatacije energetskih mineralnih sirovina (uglja) i istraživanja i eksploatacije metalčne i nemetalčne mineralne sirovine iz primarnih i sekundarnih ležišta uređeno je zakonima, i to:

- Zakon o geološkim istraživanjima Zeničko-dobojskog kantona („Službene novine Zeničko-dobojskog kantona“, broj: 8/12),
- Zakon o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

# 1. DODIJELJENE KONCESIJE NA ISTRAŽIVANJE I EKSPLOATACIJU ČVRSTIH MINERALNIH SIROVINA DO 31.12.2021. GODINE

## 1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonom o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03), domaći i strani investitori pokazali su interes za dodjelu koncesije na istraživanje i eksploataciju čvrstih mineralnih sirovina, kako metaličnih tako i nemetaličnih. To su bili samoinicijativni zahtjevi (uz javno oglašavanje) i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, roznaca, gabra, kvarcnog pijeska itd., metaličnih mineralnih sirovina olova-ceruzita, cinka, barita, te istraživanje i eksploataciju uglja.

Kako postupak dodjele koncesije obuhvata pribavljanje niza stručnih mišljenja i saglasnosti, te obavezno raspisivanje Javnog poziva, proces do potpisivanja ugovora o koncesiji je relativno dug (minimalno šest mjeseci).

Kao poseban problem moramo istaknuti nepostojanje Zakona o šumama FBiH.

Zaključno sa 31.12.2021. godine, potpisana su ukupno 23 ugovora o koncesiji za istraživanje i eksploataciju čvrstih mineralnih sirovina (uključujući i anekse na ugovore o koncesiji).

Neki od ugovora su raskinuti, a neki su u fazi pripreme za realizaciju koncesionih projekata (istraživanje i eksploatacija mineralnih sirovina).

Pregled koncesionara (istraživanje i eksploataciju mineralnih sirovina) dati su u Tabeli 1.

**Tabela 1. Pregled koncesionara (istraživanje i eksploatacija mineralnih sirovina)**

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
1.	„TVORNICA CEMENTA “KAKANJ” d.d. Kakanj	„Greben“ i „Ribnica“ – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	„Golo brdo“ - Visoko	Istraživanje i eksploatacija opekarske gline	KC 002/2001 30.01.2001.
3.	„MGV-GRADNJA“ d.o.o. Zavidovići	„Sokolica“ Zavidovići	Istraživanje i eksploatacija krečnjaka	KC 004/01 22.05.2001.
4.	„RUDNIK KREČNJAKA “BREZA” d.o.o. Breza	„Nedići“ – Breza	Istraživanje i eksploatacija krečnjaka	KC 006/02 19.04.2002.
5.	„BBM VAREŠ“ d.o.o. Vareš	„Stijene“ – Vareš	Istraživanje i eksploatacija krečnjaka	KC 08/02 17.05.2002. Aneksi I i II 09.09.2002. i 13.09.2003.
		„Kota“ – Vareš	Istraživanje i eksploatacija krečnjaka i spilita	KC 08/02 17.05.2002. Aneksi I i II 09.09.2002. i 13.09.2003.
6.	„E&P“ d.o.o. Zavidovići	„Ribnica“ – Zavidovići	Istraživanje i eksploatacija dijabaza	KC 18/06 26.04.2006.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
7.	“CESTING” d.o.o. Žepče	„Papratnica“ Žepče	Istraživanje i eksploatacija dijabaza	04-18-23400-1/08 19.10.2009.
8.	„GEOMET“ d.o.o. Olovo	„Očekalj“ i „Prgoševo“ Olovo	Istraživanje i eksploatacija ceruzita	04-18-15242-1/12 20.07.2012. 04-18-152542-1-2/18 21.05.2018.
9.	“DIM KAMENOLOM” d.o.o. Žepče	„Ograjna“ – „Željezno polje“ Žepče	Istraživanje i eksploatacija dijabaza	04-18-20940-1/12 30.01.2013.
10.	“TRGOŠPED” d.o.o. Kakanj	„Borovačke stijene“ Kakanj	Istraživanje i eksploatacija krečnjaka	04-18-397-9/03 01.10.2003. 04-18-2734-1/11 26.05.2011.
11.	„ŽGP“ d.o.o. Zenica	„Široke stijene“ Zenica	Istraživanje i eksploatacija krečnjaka	04-18-15802-1/13 28.08.2013.
12.	„KOMGRAD – ZE“ d.o.o. Zenica	„Crkvice – Kamenolom“ Zenica	Istraživanje i eksploatacija krečnjaka	04-18-15802-1/14 17.12.2014. 04-18-1194-1/19 18.02.2018.
13.	„ABLE INVESTMENT“ d.o.o. Sarajevo	„Morava – Krivodol“ — Župča – Breza	Istraživanje i eksploatacija krečnjaka	04-18-7636-1/16 24.05.2016.
14.	“EASTERN MINING“ d.o.o. Vareš	Osnovno polje je „Veovača 1-Veovača 2“ „Rupice-Juraševac-Brestić“ Vareš	Istraživanje i eksploatacija olova, cinka i barita i pratećih plemenitih metala	04-18-21389-1/13 12.03.2013.
	“EASTERN MINING“ d.o.o. Vareš	Prvo proširenje koncesionog polja na ležištu „Rupice-Borovica“ i „Veovača-Orti-Selište-Mekuše“ Vareš	Istraživanje i eksploatacija olova, cinka i barita i pratećih plemenitih metala	04-18-21389-3/18 14.11.2018.
	“EASTERN MINING“ d.o.o. Vareš	Drugo proširenje koncesionog polja na ležištu „Orti-Selište-Mekuše-Barice-Smajlova šuma-Maćak”,	Istraživanje i eksploatacija olova, cinka i barita i pratećih plemenitih metala	04-18-14461-1/20 03.12.2020.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
		„Droškovac-Brezik” i „Borovica-Semizova Ponikva”, Vareš		
15.	“AB-TRANS” d.o.o Tešanj	“Trebačko brdo” Tešanj	Istraživanje i eksploatacija krečnjaka	04-18-12263/19 20.07.2020.
16.	Rudnik mrkog uglja “KAKANJ” d.o.o. Kakanj	Područje općine Kakanj	Istraživanje i eksploatacija mineralne sirovine mrkog uglja	04-18-8474-9-1/20 28.12.2020.
17.	„SEVEN PLUS” d.o.o. Sarajevo	“Duboštica-Tribija”, Vareš	Istraživanje i eksploatacija rude hroma	04-14-16626-4/20 od 22.04.2021.

## 2. DODJELA KONCESIJA U 2021. GODINI

### 2.1. Dodjeljene koncesije na istraživanje i eksploataciju čvrstih mineralnih sirovina u 2021. godini

U 2021. godini potpisan je jedan ugovor o dodjeli koncesije za istraživanje i eksploataciju čvrstih mineralnih sirovina.

#### “SEVEN PLUS“ d.o.o. Sarajevo

Aktom, broj: 04-14-02277/20 od 13.03.2020. godine, Ministarstvu za privredu Zeničko-dobojskog kantona obratilo se privredno društvo “SEVEN PLUS” d.o.o. Sarajevo, zahtjevom za dodjelu koncesije za istraživanje i eksploataciju hroma na području Duboštica-Tribija, Općina Vareš.


Ministarstvo za privredu Zeničko-dobojskog kantona uputilo je Zahtjev Općinskom vijeću Vareš, broj: 04-14-02277-2/20 od 23.03.2020. godine, za dostavu Saglasnosti Vijeća za dodjelu koncesije za istraživanje i eksploataciju hroma na području Duboštica-Tribija, Općina Vareš.

Ministarstvo za privredu Zeničko-dobojskog kantona je Rješenjem, broj: 04-14-02277-3/20 od 30.04.2020. godine i Rješenjem o izmjeni Rješenja, broj: 04-14-02277-3-1/20 od 03.06.2020. godine, imenovalo Komisiju za utvrđivanje javnog interesa i provođenje postupka izbora najpovoljnije ponude za dodjelu koncesije za istraživanje i eksploataciju rude hroma na području Duboštica-Tribija, Općina Vareš.

Komisija je utvrdila, da za dodjelu koncesije za istraživanje i eksploataciju rude hroma na području Duboštica-Tribija, Općina Vareš postoji javni interes, te je predložila da Ministarstvo za privredu pokrene proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju rude hroma na pomenutom lokalitetu i po utvrđenim kriterijima.

Vlada Kantona je na 61. sjednici, održanoj dana 18.06.2020. godine, donijela Odluku o pristupanju provođenja procedure dodjele koncesije za istraživanje i eksploataciju rude hroma na području Duboštica-Tribija u Općini Vareš, broj: 02-14-10242/20 od 18.06.2020. godine.

Na osnovu navedene odluke, Ministarstvo za privredu je u dnevnom listu „Oslobodjenje“, dana 06.07.2020. godine, objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje i eksploataciju rude hroma na području Duboštica-Tribija u Općini Vareš.

  
Po objavljenom Javnom pozivu pristigla je jedna prijava, i to privrednog društva „SEVEN PLUS“ d.o.o. Sarajevo. Komisija je predložila Ministarstvu za privredu da uputi Vladi Kantona prijedlog Odluke o dodjeli koncesije za istraživanje i eksploataciju rude hroma na području Duboštica-Tribija u Općini Vareš ponuđaču koji se jedini prijavio i koji ispunjava sve uslove propisane Javnim pozivom, a to je „SEVEN PLUS“ d.o.o. Sarajevo.

Vlada je, na prijedlog Ministarstva za privredu donijela Odluku o dodjeli koncesije za istraživanje i eksploataciju rude hroma na području Duboštica-Tribija, Općina Vareš, broj: 02-14-16626/20 od 12.10.2020. godine.

Koncesionar je prije potpisivanja Ugovora o koncesiji dostavio:

- Uplatnicu za jednokratnu (fiksnu) koncesionu naknadu za istražno-eksploatacioni prostor u iznosu 159.450,00 KM,
- Radi obezbjeđenja urednog plaćanja koncesione naknade, četiri ovjerene mjenice sa mjeničnim izjavama na iznos 525.000,00 KM.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora o koncesiji, broj: M-4/21 od 18.02.2021. godine, Ugovor o koncesiji zaključen je dana 22.04.2021. godine.

## **2.2. Dodjela koncesija u postupku**

Intenzivne aktivnosti vodene su u postupku pripreme dodjele koncesije za eksploataciju uglja u Gradu Zenica i Općini Breza te po osnovu samoinicijativnih zahtjeva za dodjelu koncesije.

**RMU „BREZA“ d.o.o. Breza**  
**RMU „ZENICA“ d.o.o. Zenica**


Ministarstvu za privredu Zeničko-dobojskog kantona, krajem 2017. godine, obratili su se privredni subjekti RMU „ZENICA“ d.o.o. Zenica, RMU „KAKANJ“ d.o.o. Kakanj i RMU „BREZA“ d.o.o. Breza, zahtjevima za dodjelu koncesije za istraživanje i eksploataciju mineralne sirovine uglja na području Općine Kakanj, Općine Breza i Grada Zenica. Sa RMU „Kakanj“ d.o.o. Kakanj je dana 28.12.2020. godine zaključen Ugovor o koncesiji.

U skladu sa Zakonom o koncesijama-Prečišćeni tekst (“Službene novine Zeničko-dobojskog kantona”, broj: 5/03), osnovni akt za procjenu postojanja javnog interesa (analizira se koncesioni projekat sa aspekta uravnoteženog regionalnog razvoja, ekonomskog, sociološkog, ekološkog, uredjenja i korištenja prostora na kome se realizira projekat), je Saglasnost za dodjelu koncesija koja je zatražena od općinskih/Gradskog vijeća.

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama (“Službene novine Federacije Bosne i Hercegovine”, broj: 61/06) i članom 8. Zakona o koncesijama-Prečišćeni tekst (“Službene novine Zeničko-dobojskog kantona”, broj: 5/03), Ministarstvo za privredu obratilo se Načelniku i Općinskom vijeću Breza, te Gradonačelniku i Gradskom vijeću Zenica, Zahtjevima za davanje Saglasnosti Vijeća za dodjelu koncesije za eksploataciju uglja na područjima navedene općine/grada.

Saglasnost općinskog vijeća predstavlja polazni osnov Komisiji za koncesije za procjenu postojanja javnog interesa, što je prvi uslov za donošenje Odluke Vlade Kantona o pristupanju provođenja procedure dodjele koncesije.

Sve donesene saglasnosti sadrže određene elemente koje je nužno usaglasiti između aktera u postupku, uz uvažavanje zakonskih propisa, kao što su:

- 
- koordinate prijelomnih tačaka istražno-eksploatacionog polja razlikuju se u studijama ekonomske opravdanosti dodjele koncesije i zahtjevima za dodjelu koncesije;
  - zahtjevi koji se odnose na studije ekonomske opravdanosti dodjele koncesije, vezani za definisanje istražno-eksploatacionog polja vezani za proširenje, isknjiženje područja iz granica odobrenog eksploatacionog polja, obaveze rekultivacije eksploatisanog prostora;
  - postupci koji su propisani drugim zakonima, a koje će koncesionar imati obavezu realizovati kod pribavljanja svih relevantnih dozvola za istraživanje i eksploataciju u istražno-eksploatacionom polju nakon sticanja prava služnosti, odnosno potpisivanja koncesionog ugovora.

U saglasnosti vijeća su navedeni i određeni uslovi koji se tiču realizacije drugih projekata, kao što su:

- poduzimanje hitnih mjera i aktivnosti (odmah) na sanaciji klizišta,
- izgradnja asfaltnih saobraćajnica,
- izgradnja transportnih saobraćajnica za ugalj,
- izgradnja postrojenja za tretman industrijskih otpadnih voda i dr.

Bitno je imati u vidu činjenicu da su elementi sadržaja Ugovora o koncesiji zakonom propisani i njime se uređuju međusobni odnosi, te prava i obaveze između koncesora i koncesionara.

Realizacija drugih projekata može biti predmet ugovora sklopljenog između zainteresovanih strana, odnosno između jedinice lokalne samouprave (JLS) i rudnika, a ne između koncesora i koncesionara.

Imajući u vidu prethodno, općinsko i Gradsko vijeće, načelnik općine i gradonačelnik grada, u saradnji sa rudnicima trebaju usaglasiti međusobne zahjeve, da bi se moglo pristupiti nastavku postupka dodjele koncesije.

U cilju nastavka provođenja procedure dodjele koncesije, od učesnika u postupku očekuje se slijedeće:


1. Od Općinskog/Gradskog vijeća davanje Saglasnosti za dodjelu koncesije za istraživanje i eksploataciju uglja, bez dodatnih zahtjeva prema koncesoru ili koncesionaru,
2. Od rudnika da dostave Dopunjene (usaglašene sa jedinicom lokalne samouprave) Studije ekonomske opravdanosti dodjele koncesije za eksploataciju mrkog uglja,
3. Da Općina/Grad i rudnici regulišu posebnim ugovorima realizaciju drugih projekata.

Bitno je napomenuti da su pokrenute tužbe zbog nastanka navodne štete po Budžete Općina, odnosno zbog nepotpisivanja koncesionih ugovora sa RMU „Breza“ d.o.o. Breza gdje je tužitelj Općina Breza (cca 20,3 miliona KM), a tuženi: 1. RMU “Breza” d.o.o. Breza, 2. Zeničko-dobojski kanton i 3. Federacija Bosne i Hercegovine.

Općinsko vijeće Breza je dana 28.01.2021. godine donijelo Zaključak, broj: 01/1-02-132/21 da se odustane od pokrenutih postupaka po tužbama pokrenutih protiv RMU „Breza“ u Brezi, Zeničko-dobojskog kantona i Federacije Bosne i Hercegovine. Bitno je napomenuti da je u članu 2. Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza, broj: 01/1-02-480/18 od 27.02.2018. godine naveden uvjet da Rudnik mrkog uglja „Breza“ i Općina Breza sporazumno riješe otvorena pitanja koja se odnose na:

- provođenje Prostornog plana općine Breza i izmjena i dopuna Prostornog plana;
- osposobljavanje i zaštita putne komunikacije Izbod-Koritnik tzv. “Sarajevski put“ na lokalitetu PK Koritnik;
- zaštita primarnog cjevovoda vodovoda Izbod-Koritnik;
- druga pitanja koja su u zajedničkom interesu ZD Rudnik mrkog uglja „Breza“ i Općine Breza.

Dana 24.03.2021. godine održan je sastanak na temu dodjele koncesionog prava za eksploataciju uglja na eksploatacionim poljima Rudniku mrkog uglja “Breza” d.o.o. Breza u Uredu premijera Zeničko-

 dobojskog kantona. Shodno održanom sastanku, Ministarstvo za privredu obratilo se Općini Breza dana 24.03.2021. godine sa zahtjevom da izvrše izmjenu Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza, broj: 01/1-02-480/18 od 27.02.2018. godine na način da se u istoj briše uvjet koji je regulisan u članu 2. predmetne Odluke te izmjenjenu Odluku dostave u što kraćem roku. Isto tako, Ministarstvo za privredu obratilo se Općini Breza dana 06.05.2021. godine sa zahtjevom da dostave akte kojima su obustavljeni sudski postupci ili kojima su odustali od sudskih postupaka po osnovu tužbi protiv Zeničko-dobojskog kantona. Dana 01.04.2021. godine, Općina Breza je dostavila Ministarstvu Odluku o izmjeni Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza kojom je brisan uvjet u članu 2. predmetne Odluke. Obzirom da Općina Breza nije postupila po aktu Ministarstva od 06.05.2021. godine, Ministarstvo je ponovno dana 26.05.2021. godine poslalo Općini Breza akt kojim je tražilo da Općina Breza dostavi akte kojima su obustavljeni sudski postupci ili kojima su odustali od sudskih postupaka po osnovu tužbi protiv Zeničko-dobojskog kantona. Dana 04.06.2021. godine Općina Breza je dostavila akt u čijem prilogu je dostavljen podnesak Općinskog pravobranilaštva Breza, broj: R-21/21 od 03.06.2021. godine u kojem je je navedeno da su svi parnični postupci koje je pokrenula Općina Breza protiv Zeničko-dobojskog kantona završeni te Zaključak Općinskog vijeća Breza, broj: 01/1-02-132/21 od 28.01.2021. godine u kojem je navedeno da se odustane od pokrenutih postupaka protiv Zeničko-dobojskog kantona.

Ministarstvo za privredu Zeničko-dobojskog kantona je Rješenjem, broj: 04-18-8581-5-1/17 od 25.05.2021. godine imenovalo Komisiju za procjenu javnog interesa za istraživanje i eksploataciju mineralne sirovine uglja, na području Općine Breza.

Obzirom da Studija ekonomske opravdanosti dodjele koncesije na eksploatacionom polju koju je uradilo ZD RMU „BREZA” d.o.o. Breza, od novembra, 2017. godine obuhvata sedam polja, ukupne površine 2.559,45 ha, a proteže se na tri jedinice lokalne samouprave i dva kantona, i to: Općinu Breza (površina 2.088,44 ha), Grad Visoko (površina 298,89 ha) u Zeničko-dobojskom kantonu i Općinu Ilijaš (površina 172,12 ha) u Kantonu Sarajevo, održan je sastanak u Ministarstvu za privredu Zeničko-dobojskog kantona, dana 23.09.2021. godine na kojem su predstavnici RMU „BREZA” d.o.o. BREZA istakli da su u pregovorima sa Ministarstvom privrede Kantona Sarajevo u svrhu potpisa koncesionog ugovora, ali samo za površinu koja se nalazi na području Općine Ilijaš i da je Općinsko vijeće Ilijaš donijelo Odluku o davanju prethodne saglasnosti za dodjelu koncesije RMU „BREZA” d.o.o. BREZA za istraživanje i eksploataciju mineralne sirovine uglja na području Općine Ilijaš. Shodno navedenim informacijama, Ministarstvo je dana 23.09.2021. godine uputilo akt Komisiji za koncesije Federacije Bosne i Hercegovine sa molbom za pojašnjenja i upute za sprovođenje aktivnosti po zahtjevu za dodjelu koncesije RMU „BREZA” d.o.o. BREZA za eksploataciju mrkog uglja jer se po osnovu predmetnog zahtjeva eksploataciono polje prostire na području dva kantona te činjenicu da je članovima 5. i 8. Zakona o koncesijama („Službene novine Federacije Bosne i Hercegovine”, broj:40/02 i 61/06) propisano kada će se osnovati Specijalna zajednička komisija za koncesije. Komisija za koncesije Federacije BiH je aktom, broj: 01-2-45-6-69-2/21 od 12.10.2021. godine, dala upute na koji način će se dodijeliti koncesija za eksploataciju mrkog uglja u uslovima ovakvog prostiranja eksploatacionog polja. Shodno navedenom, Ministarstvo je dana 10.12.2021. godine poslalo RMU „BREZA” d.o.o. BREZA akt, broj: 04-18-08581-11/17 u kojem je navedeno da je neohodno da Ministarstvu za privredu Zeničko-dobojskog kantona uputi samoinicijativni zahtjev za dodjelu koncesije za eksploataciju mrkog uglja, te izradi i dostavi tri odvojene Studije ekonomske opravdanosti dodjele koncesije za tri odvojena eksploataciona polja, i to na način da je jedno polje ono koje se nalazi na području Zeničko-dobojskog kantona, drugo polje ono koje se nalazi na području Kantona Sarajevo, a treće polje je ono koje se proteže na području Zeničko-dobojskog kantona i Kantona Sarajevo. Postupak dodjele koncesije za polje koje se nalazi na području Zeničko-dobojskog kantona će provoditi Ministarstvo za privredu Zeničko-dobojskog kantona, za polje koje se proteže na oba kantona bit će formirana Specijalna zajednička komisija za dodjelu koncesije koju će činiti predstavnici oba kantona, a za polje koje se nalazi na području Kantona Sarajevo postupak treba voditi nadležno ministarstvo. RMU „BREZA” d.o.o. BREZA do kraja 2021. godine nije postupila shodno poslanom aktu.

U pogledu RMU "ZENICA" d.o.o. Zenica, Ministarstvu za privredu Zeničko-dobojskog kantona obratio se privredni subjekt JP „Elektroprivreda BiH“ d.d. Sarajevo ZD Rudnik mrkog uglja "ZENICA" d.o.o. ZENICA sa Zahtjevom za dodjelu koncesije za eksploataciju uglja na području Grada Zenica, broj: 04-18-8463/17 od 06.10.2017. godine. Shodno navedenom zahtjevu Rješenjem ministra Ministarstva za privredu Zeničko-dobojskog kantona, broj: 04-18-8463-6/17 od 12.10.2018. godine imenovana je Komisija za dodjelu koncesije za eksploataciju uglja.

Komisija se sastala dana 13.03.2020. godine i nakon razmatranja dostavljene dokumentacije (Zaključak Gradskog Vijeća Grada Zenice o davanju prethodne saglasnosti, broj: 01-01-3801/18 od 08.02.2018. godine, Sporazum o međusobnim pravima i obavezama Grada Zenice i JP Elektroprivreda BiH d.d Sarajevo, ZD RMU „Zenica“ d.o.o Zenica, od 19.11.2019. godine i Zaključak Gradskog Vijeća Grada Zenice o izmjeni Zaključka o davanju prethodne saglasnosti, broj: 01-49-27022/19 od 28.11.2019. godine) zaključila da je prije utvrđivanja javnog interesa potrebno detaljnije obraditi određene stavke (precizirati određene navode u dostavljenom Zaključku Gradskog Vijeća Grada Zenice o davanju prethodne saglasnosti, broj: 01-01-3801/18 od 08.02.2018. godine i u Zaključku Gradskog Vijeća Grada Zenice o izmjeni Zaključka o davanju prethodne saglasnosti, broj: 01-49-27022/19 od 28.11.2019. godine, uskladiti površine koncesionog polja, jer iznos površine koncesionog polja koji ima RMU „Zenica“ d.o.o. Zenica i Grad Zenica nije isti, itd).

Pošto je nastupila pandemija izazvana virusom Covid 19, nakon ovog sastanka, Komisija se u tom sastavu više nije sastala.

Shodno sastanku održanom dana 02.04.2021. godine sa predstavnicima RMU "ZENICA" d.o.o. Zenica, dana 14.04.2021. godine Ministarstvu je dostavljen Zahtjev za koncesiju za eksploataciju mrkog uglja na području Grada Zenica, broj: 04-14-3434/21 u kojem je navedeno da RMU "ZENICA" d.o.o. Zenica odustaje od ranije podnešenog zahtjeva, broj: 17620/2017 od 06.10.2017. godine. Uz Zahtjev, privredno društvo RMU "ZENICA" d.o.o. Zenica dostavilo je „Studiju o ekonomskoj opravdanosti dodjele koncesije na eksploataciju mrkog uglja“ koju je izradilo privredno društvo RMU "ZENICA" d.o.o. Zenica, april, 2021. godine.

Ministarstvo za privredu Zeničko-dobojskog kantona zatražilo je od Gradskog vijeća Zenica Saglasnost za dodjelu koncesije za istraživanje i eksploataciju mrkog uglja na području Grada Zenica, aktima, broj: 04-14-03434-14/21 od 28.04.2021. godine i broj: 04-14-03434-3/21 od 24.05.2021. godine.

Međutim, Uvidom u dostavljenu Studiju, Vijeće Grada Zenica je uočilo da se i dalje iznosi površine koncesionog polja ne slažu sa navodima RMU "ZENICA" d.o.o. Zenica, te je zatražena izmjena Studije.

Dana 06.05.2021. godine održan je sastanak sa predstavnicima RMU "ZENICA" d.o.o. Zenica, te je shodno sugestijama i prijedlozima RMU "ZENICA" d.o.o. Zenica, dana 09.06.2021. godine Ministarstvu dostavljena Studija o ekonomskoj opravdanosti dodjele koncesije na eksploataciju mrkog uglja RMU "ZENICA" d.o.o. Zenica, maj 2021. godine sa izmjenama i dopunama koje se odnose na površine eksploatacionog polja "Raspotočje-Drivuša".

Ministarstvo za privredu Zeničko-dobojskog kantona je Rješenjem, broj: 04-14-3434-5/21 od 19.07.2021. godine imenovalo Komisiju za provođenje postupka za dodjelu koncesije za eksploataciju mrkog uglja na području Grada Zenica.

Gradsko Vijeće Zenica dostavilo je Ministarstvu za privredu saglasnost, odnosno, Zaključak o davanju prethodne saglasnosti na mogućnost dodjele koncesije za istraživanje i eksploataciju mineralne sirovine uglja na teritoriji Grada Zenica, broj: 01-45-15425/21 od 22.07.2021. godine, čime su obezbjeđeni uslovi za provođenje procedure dodjele koncesije.

Daljnje aktivnosti u postupku dodjele koncesije nastavljene su u toku 2022. godine.

**„TRIASSIC RESOURCES“ d.o.o. Sarajevo**

Aktom, broj: 04-14-5923/20 od 22.07.2020. godine, Ministarstvu za privredu Zeničko-dobojskog kantona obratilo se privredno društvo „Triassic Resources“ d.o.o. Sarajevo, za dodjelu koncesije za istraživanje ruda obojenih metala na lokalitetu „Saski do“, K.O. Planinica i K.O. Dragovići, Općina Vareš.

Obzirom da u prilogu Zahtjeva nije dostavljen Elaborat, Ministarstvo za privredu Zeničko-dobojskog kantona zatražilo je od „Triassic Resources“ d.o.o. Sarajevo aktom, broj: 04-14-5923-1/20 od 04.09.2020. godine dopunu Zahtjeva i to dostavu dva primjerka Elaborata o istražnom prostoru „Saski do“ sa situacionom kartom razmjere 1:1000 sa jasno ucrtanim konturama zahtjevanog istražnog prostora omeđenog koordinatama prijelomnih tačaka kao i jednu elektronsku verziju Elaborata. Dana 17.09.2020. godine, dostavljena je Dopuna Zahtjeva, broj: 04-14-5923-1/20 od 16.09.2020. godine sa traženim priložima.

Ministarstvo za privredu Zeničko-dobojskog kantona zatražilo je od Općinskog vijeća Vareš Saglasnost za dodjelu koncesije za istraživanje ruda obojenih metala na datom lokalitetu, aktom, broj: 04-14-05923-3/20 od 02.11.2020. godine.

Općinsko vijeće Vareš dostavilo je saglasnost, odnosno Zaključak, broj: 01-43/21 od 25.02.2021. godine, kojim se daje saglasnost za dodjelu koncesije na istraživanje ruda obojenih metala na području „Saski do“, Općina Vareš. Obzirom da je u predmetnoj saglasnosti uočena greška u jednoj koordinati, Ministarstvo za privredu je od Općinskog vijeća Vareš tražilo izmjenu Zaključka, te je Općinsko vijeće dana 10.05.2021. godine dostavilo Zaključak o izmjeni, broj: 01-90/21 od 29.04.2021. godine, čime su obezbjeđeni uslovi za provođenje procedure dodjele koncesije.

Ministarstvo za privredu Zeničko-dobojskog kantona je Rješenjem, broj: 04-14-05923-5/20 od 06.04.2021. godine, imenovalo Komisiju za procjenu javnog interesa, te provođenje postupka za dodjelu koncesije za istraživanje ruda obojenih metala na lokalitetu „Saski do“, Općina Vareš.

Komisija za koncesije utvrdila je da, za dodjelu koncesije za istraživanje ruda obojenih metala na lokalitetu „Saski do“, K.O. Planinica i K.O. Dragovići, Općina Vareš, postoji javni interes. Međutim, obzirom da je uvidom u važeću i raspoloživu prostorno-plansku dokumentaciju za predmetno područje (Prostorni plan Zeničko-dobojskog kantona i Prostorni plan Općine Vareš) utvrđeno, da su na području koje su predmet dodjele koncesije evidentirane sumnjive površine 2. i 3. kategorije prema podacima o minskoj situaciji BHMACH iz 2017. godine, Komisija je predložila ministru Ministarstva za privredu Zeničko-dobojskog kantona da pošalje zvaničan akt općinskom načelniku Vareš, BHMACH-u i Službi civilne zaštite Vareš u svrhu provjere navedenih podataka. Dana 27.05.2021. godine poslani su akti, broj: 04-14-05923-9/20 i broj: 04-14-05923-10/20 BHMACH-u, Centru za uklanjanje mina u BiH, Općini Vareš i Službi za civilnu zaštitu kojima su za predmetni istražni prostor traženi zvanični podaci o minskoj situaciji u svrhu nastavka provođenja postupka za dodjelu predmetne koncesije.

Dana 07.06.2021. godine zaprimljen je akt, broj: 02/4-40-1-295/21 od Općine Vareš, Službe za civilnu zaštitu u kojem je navedeno da Služba za civilnu zaštitu nema tražene podatke i da se sva baza podataka o postojanju minskih polja nalazi kod BHMACH-a te da su BHMACH-u poslali akt, broj: 02/4-40-3-287/21 od 27.05.2021. godine sa ciljem dostave stručnog mišljenja za lokalitet „Saski do“.

Dana 13.08.2021. godine zaprimljen je akt, broj: 02/4-40-1-339/21 od Općine Vareš, Službe za civilnu zaštitu u čijem prilogu je dostavljen akt, broj: DPA/04-36-13-767-1/21 od BHMACH-a u kojem je navedeno da se lokacija „Saski do“, Općina Vareš nalazi izvan definisanih sumnjivih površina, da se ne očekuje rizik od mina, te upozorenje da se eventualno prisustvo neeksplozivnih ubojnih sredstava (NUS) ne može procijeniti pa skreću pažnju korisnicima da se na lokaciji kreću oprezno, a ukoliko uoče NUS da ništa ne preduzimaju već da obavijeste stručni tim za uklanjanje NUS-a Civilne zaštite. U prilogu predmetnog akta dostavljena je mapa sa prikazom položaja tražene lokacije u odnosu na najbliže definisane sumnjive površine.

Shodno zaprimljenim aktima, Komisija je Zapisnikom, broj: 04-14-05923-9/20 od 01.10.2021. godine predložila Ministarstvu da pokrene proceduru donošenja Odluke Vlade Kantona o pristupanju provođenja procedure dodjele koncesije za istraživanje na lokalitetu „Saski do“, Općina Vareš.

Vlada Kantona je na 125. sjednici, održanoj dana 14.10.2021. godine, donijela Odluku o pristupanju provođenja procedure dodjele koncesije za istraživanje ruda obojenih metala na lokalitetu „Saski do“, Općina Vareš, broj: 02-11-13885/21 od 14.10.2021. godine.

Na osnovu navedene Odluke, Ministarstvo za privredu je u dnevnom listu „Oslobodenje“, dana 26.11.2021. godine, objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje ruda obojenih metala na lokalitetu „Saski do“, Općina Vareš. Dan zatvaranja Javnog poziva je bio 27.12.2021. godine.

Daljnji postupak dodjele koncesije nastavljen je u toku 2022. godine.

### **“CT-kop” d.o.o. Tešanj**

Dana 08.06.2021. godine Ministarstvu za privredu Zeničko-dobojskog kantona obratilo se privredno društvo “CT-kop” d.o.o. Tešanj sa zahtjevom za pokretanje procedure za dodjelu koncesionog prostora sa prelomnim tačkama za istraživanje i eksploataciju mineralnog resursa krečnjaka na lokalitetu Trebačko brdo, Općina Tešanj.

Dana 07.07.2021. godine Ministarstvo za privredu Zeničko-dobojskog kantona uputilo je zahtjev za dopunu podneska, broj: 04-14-05311-1/21 kojim je traženo da se dostavi dokumentacija o stanju i statusu zemljišta zahtijevanog koncesionog prostora u zemljišnim knjigama i katastru sa vlasničkom strukturom (ZK i posjedovni listovi).

Dana 21.07.2021. godine “CT-kop” d.o.o. Tešanj dostavio je Ministarstvu novi zahtjev za pokretanje procedure za dodjelu koncesionog prostora sa prelomnim tačkama za istraživanje i eksploataciju mineralnog resursa krečnjaka na lokalitetu Trebačko brdo, Općina Tešanj. Novim zahtjevom su izbačene k.č. koje su u privatnom vlasništvu tako da je površina smanjena sa 29,4ha na 27,8ha.


Ministarstvo za privredu Zeničko-dobojskog kantona zatražilo je od Općinskog vijeća Tešanj saglasnost za dodjelu koncesije za istraživanje i eksploataciju mineralnog resursa krečnjaka na datom lokalitetu, aktom, broj: 04-14-05311-2/21 od 12.08.2021. godine.

Općinsko vijeće Tešanj dostavilo je Ministarstvu akt-“Odluka o odbijanju zahtjeva za davanje saglasnosti“, broj: 02-14-1-1993-5/21 od 01.11.2021. godine. Shodno navedenom aktu, Ministarstvo je privrednom društvu “CT-kop” d.o.o. Tešanj dana 23.12.2021. godine poslalo akt, broj: 04-14-5311-4/21 od 23.12.2021. godine kojim je obavijestilo navedeno privredno društvo da ne može nastaviti aktivnosti u predmetnom postupku dodjele koncesije jer je Saglasnost Općinskog vijeća osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenje i korišćenje prostora na kome se realizira koncesioni projekat).

### **“EASTERN MINING“ d.o.o. Vareš**

Dana 19.03.2021. godine Ministarstvu za privredu Zeničko-dobojskog kantona obratilo se privredno društvo “Eastern Mining” d.o.o. Vareš sa zahtjevom za proširenje koncesionog prostora za istraživanje i eksploataciju olova, cinka i barita sa pratećim plemenitim metalima na ležištima Borovica Zapad, Rupice Istok, Smreka, Droškovac, Veovača Istok i Brana Jalovište (Bukovača), Općina Vareš.

Ministarstvo za privredu Zeničko-dobojskog kantona je dana 19.04.2021. godine uputilo zahtjev za dopunu podneska, broj: 04-14-03497-1/21 kojim je traženo da se zahtjev dopuni, odnosno da se površine prikazane Studijom koriguju i usklade sa površinama definisanim u elaboratima.

  
Dana 05.05.2021. godine "Eastern Mining" d.o.o. Vareš dostavio je Studiju i geodetske elaborate po zahtjevu za dopunu podneska.

Dana 01.07.2021. godine Ministarstvo za privredu Zeničko-dobojskog kantona zatražilo je od Općinskog vijeća Vareš Saglasnost za dodjelu koncesije za istraživanje i eksploataciju olova, cinka i barita sa pratećim plemenitim metalima na datom lokalitetu, aktom, broj: 04-14-03497-4/21 od 01.07.2021. godine.

Dana 11.11.2021. godine u Ministarstvu za privredu Zeničko-dobojskog kantona, pod brojem: 04-14-10461/21 dostavljen je izmijenjeni zahtjev za dodjelu koncesije za istraživanje i eksploataciju olova, cinka i barita sa pratećim plemenitim metalima na ležištima Borovica Zapad, Rupice Istok, Tisoavača, Droškovac, Veovača Istok i Bukovača, Općina Vareš. U prilogu su dostavljeni korigovani geodetski elaborati za označena ležišta kao i dva primjerka Studije ekonomske opravdanosti.

Dana 29.12.2021. godine Ministarstvo za privredu Zeničko-dobojskog kantona zatražilo je od Općinskog vijeća Vareš Saglasnost za dodjelu koncesije za istraživanje i eksploataciju olova, cinka i barita sa pratećim plemenitim metalima na datom lokalitetu u skladu sa izmijenjenim zahtjevom, aktom, broj: 04-14-10461-1/21 od 29.12.2021. godine.

Daljnji postupak dodjele koncesije nastavljen je u toku 2022. godine.

### **„MGV GRADNJA“ d.o.o. ZAVIDOVIĆI**

Privredno društvo „MGV GRADNJA“ d.o.o. Zavidovići podnijelo je Ministarstvu za privredu Zeničko-dobojskog kantona Zahtjev za dodjelu koncesije za istraživanje i eksploataciju tehničko-gradevinskog kamena krečnjaka na lokalitetu „Sokolica“, Općina Zavidovići, broj: 04-14-1947/21 od 03.03.2021. godine.

Uz Zahtjev, privredno društvo „MGV GRADNJA“ d.o.o. Zavidovići dostavilo je „Studiju o ekonomskoj opravdanosti eksploatacije tehničko-gradevinskog kamena krečnjaka na lokalitetu „Sokolica“, Općina Zavidovići za potrebe proširenja eksploatacionog prostora“, broj: 673-74-11/21, koju je izradilo privredno društvo „Rudarsko projektovanje“ d.o.o. Tuzla, februar, 2021. godine.

Dostavljen je i Geodetski elaborat sa predloženim proširenjem istražno-eksploatacionog (koncesionog) polja „P.K. Sokolica“ Općina Zavidovići, koji je izradilo privredno društvo „Zedis“ d.o.o. Zenica, februar, 2021. godine, šifra: ZED-GE 10-02/2021.

Ministarstvo za privredu Zeničko-dobojskog kantona zatražilo je od Općinskog vijeća Zavidovići Saglasnost za dodjelu koncesije za istraživanje i eksploataciju tehničko-gradevinskog kamena krečnjaka na lokalitetu „Sokolica“, Općina Zavidovići, aktom, broj: 04-14-1947-3/21 od 23.04.2021. godine.

Obzirom da je Općinsko vijeće Zavidovići dostavilo Saglasnost/Zaključak Općinskog vijeća o davanju prethodne saglasnosti za provođenje postupka dodjele koncesije za proširenje istražno-eksploatacionog polja „PK Sokolica“, Općina Zavidovići u kojoj je navedeno da se ista izdaje po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona, broj: 01-19-1603/21-AP-4 od 30.06.2021. godine, to je Ministarstvo za privredu Zeničko-dobojskog kantona aktom, broj: 04-14-1947-4/21 od 23.07.2021. godine tražilo od Općinskog vijeća Zavidovići da se u navedenom Zaključku ispravi naziv organa po čijem zahtjevu se izdaje saglasnost i da se u tekstu briše riječ „prethodne“.

Općinsko vijeće Zavidovići dostavilo je Ministarstvu za privredu Ispravku Zaključka o davanju prethodne saglasnosti u postupku dodjele koncesije za proširenje istražno-eksploatacionog polja „PK Sokolica“, Općina Zavidovići, broj: 01-191857/21-AP-2 od 28.07.2021. godine kojim je izvršena ispravka naziva organa po čijem zahtjevu se izdaje predmetna Saglasnost.

Načelnik Općine Zavidovići dostavio je akt, broj: 02-45-20/21-AP-52 od 30.07.2021. godine u kojem je dato obrazloženje da ne žele izbrisati riječ „prethodna“.

Na osnovu akta Ministarstva za privredu-„Zahtjev za dostavu Zaključka Općinskog vijeća za dodjelu koncesije u skladu sa zahtjevom za korekciju zaključka, broj: 04-14-1947-5/21 od 09.08.2021. godine, Općinsko vijeće Zavidovići dostavilo je Ministarstvu za privredu Zaključak, broj: 01-19-2161/21-AP-5 od 21.09.2021. godine kojim je obrisana riječ “prethodna” i riječi „u skladu sa Studijom ekonomske opravdanosti...“.

Daljnji postupak dodjele koncesije nastavljen je u toku 2022. godine.

### **2.3. Raskidi koncesionih ugovora u 2021. godini**

#### **„AMINA-TRADE“ d.o.o. Sarajevo**

Na osnovu Odluke Vlade Zeničko-dobojskog kantona, broj: 02-18-20939/12 od 25.09.2012. godine o davanju saglasnosti za prenos koncesionog prava na eksploataciju sa „Bosnaputevi“ d.d. Sarajevo na „AMINA-TRADE“ d.o.o. Sarajevo, Ministarstvo za privredu potpisalo je Ugovor o koncesiji sa privrednim društvom „AMINA-TRADE“ d.o.o. Sarajevo, broj: 04-18-20939-1/12 od 16.11.2012. godine.

U skladu sa koncesionim ugovorom, ugovor se zaključuje u trajanju od 16 godina, računajući od 15.08.2004. godine i važi do 15.08.2020. godine, te proizilazi da je predmetni ugovoreni rok istekao.

U skladu sa koncesionim ugovorom vršena je kontrola ispunjavanja ugovorenih obaveza koncesionara, te je konstatovan neplaćeni dug koncesionara po osnovu kontinuirane koncesione naknade koji ukupno iznosi 29.250,00 KM zaključno sa trećim kvartalom 2020. godine.

U svrhu naplate predmetnog dugovanja, Ministarstvo za privredu Zeničko-dobojskog kantona je koncesionaru slalo opomene za izmirenje obaveza definisanih koncesionim ugovorom. Obzirom da koncesionar, pored opomena, nije izvršio uplatu duga, Ministarstvo za privredu Zeničko-dobojskog kantona je dana 20.10.2020. godine održalo sastanak sa predstavnicima koncesionara, o čemu je sačinjen zapisnik. U predmetnom Zapisniku, koncesionaru je ostavljen rok od 30 dana da izmiri obaveze po osnovu koncesione naknade. Međutim, koncesionar nije ispunio svoje obaveze odnosno nije uplatio svoj dospjeli dug po osnovu kontinuirane koncesione naknade.


Vlada Zeničko-dobojskog kantona je, na prijedlog Ministarstva za privredu Zeničko-dobojskog kantona, donijela Odluku o pokretanju procedure prestanka Ugovora o koncesiji za eksploataciju mineralne sirovine- krečnjaka sa koncesionarom „AMINA-TRADE“ d.o.o. Sarajevo, broj: 02-14-13250/21 kojom je zadužila Ministarstvo za privredu, Kantonalno pravobranilaštvo i Ministarstvo finansija da, svako u svojoj nadležnosti, sprovede zakonima propisane postupke: prestanak ugovora, utuženje, naplata potraživanja i druge radnje u cilju prestanka eksploatacije.

Ministarstvo za privredu je dana 14.06.2021. godine poslalo Kantonalnom pravobranilaštvu prijedlog za utuženje koncesionara.

Dana 09.12.2021. godine zaprimljen je odgovor na tužbu, broj: P-22/21 na koji je Ministarstvo za privredu dostavilo izjašnjenje, broj: 04-34-6019-13-3/21 dana 13.12.2021. godine.

Daljnje aktivnosti Kantonalnog pravobranilaštva nastavljene su u toku 2022. godine.

  
**„LIBOS“ d.o.o. Žepče**

  
Na osnovu Odluke Vlade Zeničko-dobojskog kantona, broj: 02-18-19139/09 od 22.07.2009. godine o dodjeli koncesije za istraživanje i eksploataciju mineralnog resursa-dijabaza **na ležištu Kuluk**, Begov Han K.O. Mračaj, u općini Žepče, Ministarstvo za privredu potpisalo je Ugovor o koncesiji sa privrednim društvom „LIBOS“ d.o.o. Žepče, broj: 04-18-367-6/09 od 11.12.2009. godine.

Koncesionim ugovorom regulisano je da se predmetni ugovor može raskinuti i prije isteka vremena na koji je zaključen, ako koncesionar ne ispunjava svoje obaveze.

U skladu sa potpisanim koncesionim ugovorom vršena je kontrola ispunjavanja ugovorenih obaveza koncesionara, te je konstatovan neplaćeni dug koncesionara po osnovu kontinuirane koncesione naknade koji ukupno iznosi 58.124,00 KM zaključno sa trećim kvartalom 2021. godine.

U svrhu naplate predmetnog dugovanja, Ministarstvo za privredu Zeničko-dobojskog kantona je koncesionaru slalo opomene za izmirenje obaveza definisanih koncesionim ugovorom. Obzirom da koncesionar, pored opomena, nije izvršio uplatu duga, Ministarstvo za privredu Zeničko-dobojskog kantona održalo je dana 02.12.2020. godine sastanak sa predstavnicima koncesionara, o čemu je sačinjen zapisnik. U predmetnom Zapisniku, koncesionaru je ostavljen rok od 30 dana da izmiri obaveze po osnovu koncesione naknade. Međutim, koncesionar nije ispunio svoje obaveze odnosno nije uplatio svoj dospjeli dug po osnovu kontinuirane koncesione naknade.

Dana 08.07.2021. godine Ministarstvo za privredu poslalo je Kantonalnom pravobranilaštvu prijedlog za utuženje koncesionara, a dana 11.10.2021. godine dopunu prijedloga za utuženje.

Dana 21.10.2021. godine, na prijedlog Ministarstva za privredu Zeničko-dobojskog kantona, Vlada Zeničko-dobojskog kantona donijela je Odluku o saglasnosti na pokretanje procedure raskida Ugovora o koncesiji za istraživanje i eksploataciju mineralnog resursa-dijabaza sa koncesionarom „LIBOS“ d.o.o. Žepče, broj: 02-14-14147/21.

Dana 28.10.2021. godine Ministarstvo za privredu poslalo je koncesionaru Izjavu o raskidu ugovora o koncesiji, broj: 04-14-14147-1/21.

Daljnje aktivnosti Kantonalnog pravobranilaštva nastavljene su u toku 2022. godine.

Na osnovu Odluke Vlade Zeničko-dobojskog kantona, broj: 02-18-6770/11 od 10.03.2011. godine o dodjeli koncesije za istraživanje i eksploataciju mineralnog resursa-dijabaza **na ležištu Krmance**, K.O. Kovanići u općini Zenica, Ministarstvo za privredu potpisalo je Ugovor o koncesiji sa privrednim društvom „LIBOS“ d.o.o. Žepče, broj: 04-18-7660-1/11 od 18.04.2011. godine.

Koncesionim ugovorom regulisani su rokovi za završetak pripremnih aktivnosti za početak eksploatacije mineralnog resursa, te u slučaju da, koncesionar ne otpočne sa eksploatacijom mineralnog resursa u zadanom roku, sem u slučaju postojanja više sile, koncesioni ugovor će se smatrati raskinutim.

Obzirom na činjenicu da koncesionar nije u propisanom roku izvršio svoju obavezu, na prijedlog Ministarstva za privredu Zeničko-dobojskog kantona dana 04.11.2021. godine Vlada Zeničko-dobojskog kantona donijela je Odluku o saglasnosti na pokretanje procedure raskida Ugovora o koncesiji za istraživanje i eksploataciju mineralnog resursa-dijabaza sa koncesionarom „LIBOS“ d.o.o. Žepče na ležištu „Krmance“, KO Kovanići, općina Zenica, broj: 02-14-14735/21.

Po osnovu predmetnog koncesionog ugovora, koncesionar nije imao neplaćeni dug.

Dana 09.11.2021. godine Ministarstvo za privredu poslalo je koncesionaru Izjavu o raskidu ugovora o koncesiji, broj: 04-14-14735-1/21.

## **„Rudnik mrkog uglja Zenica“ d.o.o. Zenica**

Na osnovu Odluke Vlade Zeničko-dobojskog kantona, broj: 02-18-12111/10 od 20.04.2010. godine o dodjeli koncesije za istraživanje i eksploataciju mineralnog resursa- gornjokrednog fliša na lokalitetu „Veliki Gradac“-Mošćanica, Općina Zenica, Ministarstvo za privredu potpisalo je Ugovor o koncesiji sa JP „Elektroprivreda BiH“ d.d. -Sarajevo, Zavisnim društvom „Rudnik mrkog uglja Zenica“ d.o.o. Zenica, broj: 04-18-12111-1/10 od 21.09.2010. godine.

Na osnovu Odluke Vlade Zeničko-dobojskog kantona, broj: 02-18-11453/16 od 09.06.2016. godine o izmjeni Odluke o dodjeli koncesije za istraživanje i eksploataciju mineralnog resursa- gornjokrednog fliša na lokalitetu „Veliki Gradac“-Mošćanica, Općina Zenica, Ministarstvo za privredu potpisalo je Anex ugovora o koncesiji sa koncesionarom, broj: 02-18-12111-2/10 od 21.06.2016. godine.

Koncesionim ugovorom regulisano je da se predmetni ugovor može raskinuti i prije isteka vremena na koji je zaključen, ako koncesionar nakon opomene ne prestane sa daljnjim kršenjem ugovornih obaveza.

U skladu sa potpisanim koncesionim ugovorom vršena je kontrola ispunjavanja ugovorenih obaveza koncesionara, te je konstatovan neplaćeni dug koncesionara po osnovu kontinuirane koncesione naknade koji ukupno iznosi 89.830,00 KM zaključno sa trećim kvartalom 2021. godine.

U svrhu naplate predmetnog dugovanja, Ministarstvo za privredu Zeničko-dobojskog kantona je koncesionaru slalo opomene za izmirenje obaveza definisanih koncesionim ugovorom.

Obzirom da koncesionar, pored opomena, nije izvršio uplatu duga, Ministarstvo za privredu Zeničko-dobojskog kantona poslalo je dana 09.11.2021. godine Kantonalnom pravobranilaštvu prijedlog za utuženje koncesionara.

Dana 18.11.2021. godine, na prijedlog Ministarstva za privredu Zeničko-dobojskog kantona, Vlada Zeničko-dobojskog kantona donijela je Odluku o saglasnosti na pokretanje procedure raskida Ugovora o koncesiji sa Anexom ugovora o koncesiji, za istraživanje i eksploataciju mineralnog resursa- gornjokrednog fliša sa koncesionarom JP „Elektroprivreda BiH“ d.d. -Sarajevo, Zavisno društvo „Rudnik mrkog uglja Zenica“ d.o.o. Zenica, broj: 02-11-15411/21.

Dana 26.11.2021. godine Ministarstvo za privredu poslalo je koncesionaru Izjavu o raskidu ugovora o koncesiji, broj: 04-11-15411-1/21.

## **„SANEX“ d.o.o. Breza**

Na osnovu Odluke Vlade Zeničko-dobojskog kantona, broj: 02-18-15817/03 od 16.07.2003. godine o dodjeli koncesije za eksploataciju mineralne sirovine pješčara na ležištu Nezirov Gaj, Općina Breza, Odluke Vlade Zeničko-dobojskog kantona, broj: 02-18-8759/03 od 23.04.2003. godine, Odluke Vlade Zeničko-dobojskog kantona o izmjeni Odluke broj: 02-18-8759/03 od 23.04.2003. godine, broj: 02-18-15816/03 od 16.07.2003. godine i Odluke Vlade Zeničko-dobojskog kantona o izmjeni Odluke broj: 02-18-15817/03 od 16.07.2003. godine, broj: 02-18-22099/06 od 18.10.2006. godine, Ministarstvo za privredu potpisalo je Koncesioni ugovor sa privrednim društvom „SANEX“ d.o.o. Breza, broj: KC 20/2007 od 23.04.2007. godine.

Na osnovu Odluke Vlade Zeničko-dobojskog kantona, broj: 02-18-2020/17 od 10.02.2017. godine o dodjeli koncesije za istraživanje i eksploataciju mineralne sirovine- kvarcnog pijeska na lokalitetu „Nezirov Gaj“, K.O. Gornja Breza i K.O. Podvinci, na području Općina Breza i Visoko, Ministarstvo za privredu potpisalo je Anex I koncesionog ugovora broj: KC 20/2007 sa koncesionarom, broj: 04-18-2020-2/18 od 17.07.2018. godine.

Dana 27.10.2021. godine koncesionar je Ministarstvu za privredu Zeničko-dobojskog kantona dostavio akt-„Prijedlog za sporazumni raskid Koncesionog ugovora“, broj: 15/21 od 26.10.2021. godine u

kojem predlaže sporazumni raskid koncesionog ugovora kao i Anex-a I koncesionog ugovora jer je nakon provedenih istražnih radova u julu 2021. godine (istražno bušenje i iskopi) zaključeno da bi dalje aktivnosti oko istraživanja i ispitivanja mineralne sirovine, a u konačnom i eksploatacije bile ekonomski neopravdane, te je neophodno raskinuti koncesioni ugovor sa Anex-om I koncesionog ugovora sa koncesionarom.

Uvidom u dostavljeni prijedlog kao i ostalu dokumentaciju, Ministarstvo za privredu Zeničko-dobojskog kantona utvrdilo je da koncesionar duguje kontinuiranu koncesionu naknadu za period 01.01.-30.09.2021. godine u ukupnom iznosu 7.500,00 KM. Shodno navedenom, Ministarstvo za privredu Zeničko-dobojskog kantona je koncesionaru poslalo akt-„Informacija”, broj: 04-14-2020-2/18 od 06.12.2021. godine kojim je traženo da koncesionar uplati navedeni dugovani iznos, a nakon toga Ministarstvo za privredu Zeničko-dobojskog kantona će uputiti prema Vladi Zeničko-dobojskog kantona prijedlog Odluke o pokretanju procedure raskida koncesionog ugovora sa Anex-om I koncesionog ugovora na dan 30.09.2021. godine.

Dalje aktivnosti na raskidu koncesionog ugovora nastavljene su u toku 2022. godine.

### 3. KONCESIONE NAKNADE U 2021. GODINI

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali mineralne sirovine u određenom vremenskom periodu, a prema visini naknade koja je definisana koncesionim ugovorom.

Koncesionari koji, nakon dobivene dozvole za eksploataciju, nisu eksploatisali minimalnu ugovorenu količinu, koja je definisana koncesionim ugovorom, dužni su platiti kontinuiranu koncesionu naknadu za ugovorenu godišnju minimalnu količinu mineralne sirovine.

Vodi se uredna evidencija o ukupnom dugovanju svakog koncesionara i ukupan dug svakog koncesionara je kontrolisan. Nadalje, Ministarstvo je pooštrilo sve potrebne mjere na naplati koncesione naknade (protestiranje mjenica, pokretanje tužbi i raskidi ugovora).

Po osnovu jednokratne koncesione naknade u 2021. godini uplaćeno je ukupno **374.130,20 KM**.

Po osnovu kontinuirane koncesione naknade u 2021. godini uplaćeno je ukupno **1.934.237,59 KM**.

Upoređujući podatke iz prethodnih godina sa podacima za 2020. godinu, može se zaključiti slijedeće:

- povećan je broj samoinicijativnih zahtjeva za dodjelu koncesije od strane privrednih društava,
- povećana je naplata kontinuirane koncesione naknade od koncesionara.

**Tabela 2. Stanje obaveza po osnovu koncesionih naknada za 2021. godinu za eksploatisane količine mineralnih sirovina shodno ugovoru o definisanim obavezama i uplatama u 2021. godini**

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2021. godine /KM/	Uplaćeno u 2021. godini /KM/
1.	“TRGOŠPED” d.o.o. Kakanj 01.10.2003.	33.000,00	9.728,38	80.587,60
2.	“LIBOS” d.o.o. Žepče 11.12.2009.	17.000,00	58.124,00	0,00

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2021. godine /KM/	Uplaćeno u 2021. godini /KM/
			Napomena: stanje duga sa 30.09.2021. g. Utruženo 58.124,00 KM (period 2018.-2021.) Ugovor raskinut	
3.	“SANEX” d.o.o. Breza 23.04.2007.	10.000,00	0,00	0,00
4.	“CESTING” d.o.o. Žepče 19.10.2009.	16.000,00	-1.000,00 Napomena: pretplata Utruženo 61.000,00 KM (period 2010.-2014.)	0,00
5.	“AMINA TRADE” d.o.o. Sarajevo 15.03.2004.	11.000,00	29.250,00 Napomena: stanje duga sa 30.09.2020.g. Utruženo 29.250,00 KM (period 2018.-2020.) Ugovor istekao	0,00
6.	“DIM KAMENOLOM” d.o.o. Žepče 30.01.2013.	17.222,00	54.989,61 Napomena: Utruženo 87.054,91 KM (period 2016.-2020.)	17.222,00 Napomena: odnosi se na utuženi dug
7.	“RKB” d.o.o. Breza 01.10.2003. Raskinut ugovor (06.08.2019. godine), a potom je poslovni subjekt u stečaju	20.000,00	Stanje obaveza na dan 30.06.2019. godine iznosi 350.049,33 KM (osnovica + kamate)	45.000,00 (vansudska nagodba iznos: 407.828,03 KM)
8.	“BBM VAREŠ” d.o.o. Vareš 17.05.2002.	43.500,00	0,00	43.500,00
9.	“E&P” d.o.o. Zavidovići 26.04.2006.	37.500,00	36.205,11	48.555,00
10.	“MGV GRADNJA” d.o.o Zavidovići 22.05.2001.	28.000,00	55.451,98	180.132,50
11.	“IGM” d.o.o. Visoko 30.10.2001.	Nema ugovorom definisane minimalne obaveze.	2.487,64	17.332,72
12.	“TVORNICA CEMENTA KAKANJ” d.o.o. Kakanj 12.09.2000.	Nema ugovorom definisane minimalne obaveze.	102.618,42	543.803,34

*Nadn  
Slov  
Kup  
Jey*

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2021. godine /KM/	Uplaćeno u 2021. godini /KM/
13.	“ABLE INVESTMENT” d.o.o. Sarajevo 24.05.2016.	22.500,00	22.500,00	0,00
14.	“ŽGP” d.o.o. Zenica 28.08.2013.	38.800,00	37.739,74	44.180,63
15.	ZD RMU „ZENICA” d.o.o. Zenica 20.04.2010.	21.000,00	74.080,00 Napomena: Utruženo 89.830,00 KM (period 2017.-2020.) (uključuje i dug sa 31.12.2021.g.)	0,00
16.	„KOMGRAD – ZE” d.o.o. Zenica 17.12.2014.	33.620,00	78.059,00 Napomena: Utruženo 78.059,00 KM (period 2019.-2021.)	0,00
17.	„GEOMET” d.o.o. Olovo 20.07.2012.	180.000,00	0,00	209.780,86
18.	“AB-TRANS” d.o.o. Tešanj 20.07.2020.	13.000,00	0,00	0,00
19.	Rudnik mrkog uglja “KAKANJ” d.o.o. Kakanj 28.12.2020.	800.000,00	JKN=153.343,00 KKN=450.261,62  Ukupno: 603.604,62	359.143,14
20.	“EASTERN MINING” d.o.o. Sarajevo 12.03.2013.	390.000,00 (osnovno polje)	97.500,00	390.000,00
	<b>UKUPNO</b>		<b>1.261.338,50</b>	<b>1.934.237,59</b>

#### 4. PRIHODI OD KONCESIONIH NAKNADA U 2021. GODINI

##### 4.1. Prihodi od jednokratne koncesione naknade u 2021. godini

Na osnovu zaključenih koncesionih ugovora sa “SEVEN PLUS” d.o.o. Sarajevo i Rudnik mrkog uglja “KAKANJ” d.o.o. Kakanj, u 2021. godini ostvaren je prihod po osnovu jednokratne koncesione naknade u iznosu od **374.130,20 KM**, kako slijedi:

- iznos 159.450,00 KM - Koncesioni ugovor sa “SEVEN PLUS” d.o.o. Sarajevo,
- iznos 214.680,20 KM - Koncesioni ugovor sa Rudnik mrkog uglja “KAKANJ” d.o.o. Kakanj (druga, treća, četvrta, peta, šesta, sedma i osma rata).

##### 4.2. Prihodi od kontinuirane koncesione naknade u 2021. godini

Ukupan priliv sredstava od kontinuirane koncesione naknade u 2021. godini iznosi **1.934.237,59 KM**. Ovaj iznos se odnosi na uplate koncesionara shodno njihovim ugovornim obavezama.

##### 4.3. Ukupni prihodi od koncesione naknade u 2021. godini

Ukupni prihodi od koncesione naknade u 2021. godini jednaki su zbiru:

- prihoda po osnovu jednokratne koncesione naknade 374.130,20 KM
- prihoda po osnovu kontinuirane koncesione naknade 1.934.237,59 KM

**UKUPNO 2.308.367,79 KM**

#### 4.4. Alokacija koncesionih naknada po općinama u 2021. godini

Shodno Odluci Vlade Kantona, broj: 02-14-2098/13 od 24.01.2013. godine ("Službene novine Zeničko-dobojskog kantona", broj: 1/13), o načinu rasporeda sredstava od koncesija, uplata koncesione naknade (jednokratne i kontinuirane) dijeli se između jedinice lokalne samouprave na čijem području se nalazi koncesiono polje i Kantona i to u omjeru 70 % : 30 % (JLS : Kanton).

Ostvareni prihod po osnovu koncesionih naknada u 2021. godini iznosi 2.308.367,79 KM i izvršena je alokacija prema jedinicama lokalne samouprave na čijoj teritoriji se realizuje koncesioni projekat.

U budžetskoj 2021. godini, prema podacima Ministarstva finansija, uplaćeno je na ime jednokratne i kontinuirane koncesione naknade **2.308.367,79 KM**, od čega je alocirano općinama/gradu 1.615.857,45 KM i Kantonu 692.510,33 KM.

OPĆINAMA (JLS): iznos 1.615.857,45 KM + 21.468,02 KM uplata iz 2020.g.=1.637.325,47 KM  
KANTONU: iznos 692.510,33 KM + 9.200,58 uplata iz 2020.g = 701.710,91 KM

Tabela 4. Alocirana sredstva koncesionih naknada prema JLS Kantona

R. br.	OPĆINA	ALOCIRANA NAKNADA U 2020. GODINI /KM/	ALOCIRANA NAKNADA U 2021. GODINI /KM/
1.	ZENICA	69.795,64	30.926,44
2.	KAKANJ	459.277,87	838.749,80+ 21.468,02 (uplata iz 2020.g.) Ukupno= 860.217,82
3.	BREZA	72.206,40	0,00
4.	VISOKO	14.444,16	12.132,90
5.	ZAVIDOVIĆI	100.463,28	160.081,25
6.	ŽEPČE	12.600,00	12.055,40
7.	OLOVO	157.500,00	146.846,66
8.	VAREŠ	462.886,02	415.065,00
9.	TEŠANJ	23.100,00	0,00
	<b>UKUPNO</b>	<b>1.372.273,37</b>	<b>1.637.325,47</b>

#### 5. RASHODI IZ KONCESIONIH NAKNADA U 2021. GODINI

##### 5.1. Program utroška budžetskih sredstava od koncesija za 2021. godinu

Budžetom Zeničko-dobojskog kantona za 2021. godinu, („Službene novine Zeničko-dobojskog kantona“, broj: 7/21 i 18/21) odobrena su finansijska sredstva u ukupnom iznosu 509.000,00 KM (slovima: petstotinadevethiljadakonvertibilnih maraka) na slijedeći način:

- ekonomski kod 615 100 (IAD002)-Kapitalni transferi drugim nivoima vlasti u iznosu 240.000,00 KM,
- ekonomski kod 614 100-Tekući transferi drugim nivoima vlasti, odnosno subanalitika (IAD002)-Realizacija projekata Vlade koji se finansiraju iz prihoda od koncesija u iznosu 260.000,00 KM,

ekonomski kod 613 900- Ugovorene i druge posebne usluge, odnosno subanalitika (IAD002)-Ostale ugovorene usluge- Realizacija projekata Vlade koji se finansiraju iz prihoda od koncesija u iznosu 9.000,00 KM.

U skladu sa navedenim Ministarstvo za privredu donijelo je Program utroška budžetskih sredstava od koncesija u 2021. godini Ministarstva za privredu/gospodarstvo (Realizacija projekata Vlade koji se finansiraju iz prihoda od koncesija) koji je Vlada Kantona usvojila Zaključkom, broj: 02-11-8570/21 od 16.06.2021. godine.

## 5.2. Realizovana sredstva shodno Programu utroška budžetskih sredstava od koncesija u 2021. godini

U periodu od I – XII 2021. godine, po Programu utrošena su sredstva u iznosu **378.745,93 KM** na slijedeći način:

- 1) Za sufinansiranje uspostavljanja industrijskih/poslovnih zona na području Zeničko-dobojskog kantona, odnosno sufinansiranja troška izrade projektne dokumentacije, planirana su sredstva u ukupnom iznosu 240.000,00 KM, a utrošena u ukupnom iznosu **115.746,50 KM**, kako slijedi:

R.br.	OPĆINA	POSLOVNA ZONA/ PROJEKAT	IZNOS ODOBRENIH SREDSTAVA /KM/
1.	Olovo	Poslovna zona "Golubište-Pilana"	20.000,00
2.	Doboj-Jug	Poslovna zona "Mravići"	20.000,00
3.	Maglaj	Poslovna zona "Novi Šeher"	20.000,00
4.	Tešanj	Poslovna zona "Cigлана-Glinište"	18.840,00
5.	Breza	Poslovna zona "Šaš"	16.906,50
6.	Usora	Poslovna zona "Ularice"	20.000,00
UKUPNO (KM)			<b>115.746,50</b>

- 2) Za projekte koji se finansiraju iz prihoda od koncesija planirana su sredstva u ukupnom iznosu 260.000,00 KM, a utrošena su u ukupnom iznosu **260.000,00 KM** na način da je na prijedlog Ministarstva za privredu Zeničko-dobojskog kantona, ministar Ministarstva finansija Zeničko-dobojskog kantona donio Odluku o preraspodjeli rashoda u Budžetu Zeničko-dobojskog kantona za 2021. godinu, broj: 07-03-01/11-4171-1-1/21 od 26.07.2021. godine kojom je izvršena preraspodjela predmetnog iznosa na poziciju 614100- Tekući transferi drugim nivoima vlasti, odnosno subanalitika (IAD001)-Tekući transfer općinama po osnovu prihoda od koncesija jer su za navedenu poziciju odobrena finansijska sredstva u iznosu koji nije dovoljan za transfer 70% od uplaćenog iznosa koncesione naknade jedinicama lokalne samouprave do kraja 2021. godine.

- 3) Za provođenje postupka dodjele, nadzora i realizacije koncesionih ugovora planirana su sredstva u ukupnom iznosu 9.000,00 KM, a utrošena su u ukupnom iznosu **2.999,43 KM** za potrebe Komisije za procjenu javnog interesa i kontrolno geodetsko snimanje.

Shodno navedenom, u 2021. godini prema Programu utroška budžetskih sredstava od koncesija Ministarstva za privredu utrošeno je ukupno **378.745,93 KM**.

## 6. ZAKLJUČAK

Analizirajući podatke prethodnih godina, i upoređujući sa podacima iz 2021. godine, može se zaključiti slijedeće:

- povećan je broj samoinicijativnih zahtjeva za dodjelu koncesije od strane privrednih društava,
- povećana je naplata kontinuirane koncesione naknade od koncesionara.
- preduzete su sve potrebne aktivnosti u svrhu raskida ugovora o koncesiji kod koncesionara koji ne ispunjavaju svoje ugovorne obaveze,
- koncesionari su pojačali aktivnosti u svrhu eksploatacije mineralne sirovine nakon proglašenja prestanka pandemije korona virusa (COVID 19).

 **MINISTAR**  
Zlatko Jelić